

nè occludant canales glandularum, & spirituum fluxus impédiant; vel ita componatur sanguis, ut nulli, aut diversæ à naturali qualitatis spiritus generentur, aut non deriventur in nervos, aut ex iis statim expirent, aut per eos fluere propter lentorem nequeant, aut si quæ his sunt similes diversitates. Partiterque deliquum producitur, si hæc singula, quæ de liquido nervorum dicimus, aptentur liquido ex arteriis in villos muscularum confluxuro cum liquido per nervos. Adde his solam rarefactionem insigniorem sanguinis deliquio producendo sufficere, etiamsi aptissimè se habere supponantur reliqua omnia, dummodo illa ita premat muscularum villos, ut intra ipsos excidere prohibeat liquida motibus, ac viribus exerendis unicè comparata. Quæ indicasse sufficit, cùm ex Anatomicis, & morbis nostris perspicua nimis sint.

### Propositio Quinta.

**M**issio sanguinis è quacunque vena minuit quantitatem ejus, & licet velocitatem augeat, refrigerat, atque humectat: si tamen ejus naturæ fuerit sanguis, ut per diminutionem quantitatis solvatur in calorem, missio sanguinis calefacere poterit, atque siccare, & ejus naturæ esse vero similius poterit sanguis in æstatibus, temperamentis, morbis, regionibus, tempestatibus, victr &c. calidis. Missio autem sanguinis præcipue dimovet, atque abripit è summis canaliculis capillaribus, quicquid iis intimè hæret, dummodò vis illius cohaesionis minor sit momento velocitatis sanguinis: quod si major fuerit, missio sanguinis solùm refrigerabit, atque humectabit, ex quo decum fieri poterit, ut quicquid hæret summis vasis, dimovatur, atque abripiatur. Facilius autem succedet illa dimotio, si missio sanguinis fiat largior ex ampliori vena, & per amplius in ipsa emissarium, si contra, difficilis. Quod si missio sanguinis fiat per venas capillares, ita ut multitudo emissariorum in ipsis ad unicum emissarium in ampliori vena sit reciprocè, ut hujus ad illarum compressionem, missio sanguinis per ipsas facilius dimovebit, atque abripiet, quicquid hæret summis vasis illius partis, quam missio sanguinis per venam ampliorem. Quod abripitur, potest saltum aliqua sui parte cum eodem sanguine effluere, præcipue cum ducitur è venulis capillaribus, reliquo cum reliquo sanguine magis admisceri, & fluidius fieri. Si verò hæreat aliquid summis vasis, & sanguis per missionem in calorem solvatur, pro diversa natura hærentis illius poterit à calore vel solvi, atque ita ab ipi, vel siccus reddi, & magis hærens, & in hoc secundo casu largior missio sanguinis vim caloris, ac siccitatis poterit temperare. Insuper si universus sanguis in fermentationem venerit, qua solvatur calor, aufert missio sanguinis portionem fermenti, aut fermentati sanguinis, & calorrem

rem minuet, seu refrigerabit, unde minus intensa erunt illa omnia, quæ ab ejusmodi fermento, & calore proveniunt. Denique si summis vasis aliquid hæreat, & per missionem sanguinis ita reliquum ejus mutetur, ut fiat densius, atque frigidius, & minus fluxile, hærent illud dimovere quidem nitetur natura, sed neque ipsum abripietur, & major semper, ac nova materies agglutinabitur.

Per missionem sanguinis minui quantitatem ejus, nemo est, qui dubitet, aut dubitare possit; neque enim missio sanguinis est aliud, quam derivatio ejus extra corpus, quod fieri non potest absque eo, quod universa quantitas sanguinis fiat tanto minor, quanta est portio ejus, quæ derivatur extra corpus. Patet itaque prima pars.

Quoniam calor sanguinis à motu ejus, & calor per motum productus pendet ab attritione partium calorem comprehendentium, quæ per motum divulsæ, & à contactu abstractæ calori libertatem permittunt; non igitur ubi motus, qua motus est, fiet major attritio, & solutio, vel generatio caloris, sed ubi motus cum tanto, ac tali nisu in partes cohærentes, ut easdem possit à mutua cohæsione divellere: sed ubi corpora atterentia, atque atterenda minus ad contactum premuntur, minus nituntur in divulsionem, & adhuc multo minus, si atterenda tantum recedant ab attritulis, quantum hæc ad ipsa magis accedunt; ubi igitur minor illa pressio ad contactum inter attritura, & atterenda corpora, & horum fuga quantum illa instant, minor vis attritionis dabitur, & producio caloris minor, etiamsi velocitas eorum corporum sit utcunque maxima. Cum igitur calor sanguinis à motu pendeat, hoc est nisum, quem exercent mutuò duæ quæque particulæ sanguinis ad contactum positæ intra vasa; ubi igitur erit minor hujusmodi nisu, minor caloris quantitas producetur: sed extracto sanguine, quod est reliquum ejus in vasis fit minus coactum, hoc est duæ quæque ipsius partes in mutuum contactum minus nituntur; igitur hoc de nomine è reliquo sanguine minus caloris educetur, quam ante missionem. Cum insuper per missionem augeatur velocitas, sanguis præcedens per vasa à succidente recedit majori velocitate, quam ante missionem, seu in ipsum nititur momento minori, unde rursus vis in contactum minor, & solutio caloris minor, rursusque tum ob velocitatem auctam, tum ob quantitatem diminutam minor quasi permaneo, vel nisu sanguinis ad superficiem vasorum, quibus allabitur, unde rursus minor attritio. Quia verò tota quantitas sanguinis calida est, & per missionem ejus minuitur; igitur minuitur calor pro ratione sanguinis, qui mittitur, & quod relinquitur in vasis, per auctam velocitatem non potest magis incalescere, ita ut per ejusmodi augmentum velocitatis quantum caloris minuitur per detractionem sanguinis, tantum augeatur per augmentum velocitatis; missio igitur

igitur sanguinis à quacunque vena, licet per ipsam augeatur velocitas, refri-  
gerat. Sed major caloris vis majorem copiam humiditatis tenuat, in per-  
spirationem agit, atque absumit; ubi igitur minor calor, minor humiditatis  
absumptio, seu humectatio major, adeoque cum missio sanguinis calorem  
minuat, etiam absumptionem humiditatis temperabit seu humectabit. Quod  
si ut pulvis bellicus nimis in tormentis pressus ignem non concipit, ita detur  
non absimilis naturæ sanguis, qui majori intra vasa constipatione coactus  
minus caloris solvat, & statim ac ab illa pressione per missionem levatur; se-  
se ignis expeditat, atque perspiret, magisque agitet totum sanguinem reli-  
quum, tum si quantitas caloris post missionem à reliquo sanguine soluti ma-  
jor fuerit, quam per missionem detrahitur, vel magis vivida, et si minoris  
quantitatis, missio sanguinis calefaciet, & cum à majori vi caloris proveniat,  
major absumptio humiditatis etiam siccabit. Quia verò ratio, qua sit, ut  
sanguis magis stipatus caloris minus concipiatur, pendet à modo cohæsionis  
inter partes ejus, & cohærendi modi à textura, & compositione earundem,  
& hæ sunt innumerabiles, nec concipi singillatim possunt, hinc determinare  
tutum non est, in quibus corporibus, morbis, &c. facilius sit sanguini per-  
missionem incalefcere; quia tamen calor est quiddam maximè mobile, &  
quod sublatis etiam ex parte impedimentis statim ex se ipso se explicat, expe-  
ditque à reliquis, hinc à ratione alienum non videtur pronunciare, illum san-  
guinem per missionem incalefcere posse, qui sit natura, loco, victu, morbo,  
atque hujusmodi calidus; sublato enim impedimento nimiè stipationis  
per missionem ejus, poterit ignis se in libertatem, & motum asserere, inter  
duas quasque particulas reliqui sanguinis se se agere easque dimovere, quo-  
rum neutrum præstare valebat ante missionem, majori pressione calorem  
ipsum inter duas quasque particulas sanguinis sistente. Quare patet pro-  
positum.

Hæreat autem aliquid superficie internæ vasis cujuscunque sanguini-  
feri capillaris, quoniam per arterias ducitur sanguis ad usque hærens illud;  
vel igitur illud hærens obstruit ex toto cavitatem canalis, ita ut nihil ab arte-  
ria posit traduci in continuam venulam, vel ex parte solùm: si ex toto, ni-  
hil quidem sanguinis per illam obstructam arteriolam in continuam venam  
derivabitur; non tamen inde fiet, ut venula continua illi arteriolæ exhau-  
sta maneat, & sine sanguine, sed cùm undecunque in eandem hient aliæ ve-  
nulæ, hæ ipsæ derivabunt contentum sanguinem in obstructam venam, eam-  
que ad obstructionem usque implebunt. Si verò obstruat solùm ex parte,  
igitur aliquid sanguinis traducetur ex semi obstructa arteria in continuam  
venam, quæ proinde continua vena partim per influxum sanguinis ex arte-  
ria, partim per sanguinem ex aliis vénis influentem pariter implebitur. Quo-

niam itaque sanguis arteriæ in sanguinem continuæ venæ, & hic in illum mutuò nituntur; illud igitur hærens summis canaliculis sive obstruat penitus, sive ex parte, duabus oppositis facultatibus ad oppositas partes urgetur, à sanguine nempe venæ versus arteriam, & à sanguine arteriæ versus venam, adeoque dimoveri non potest versus alteram harum partium, nisi ab excessu alterutrius facultatum supra momentum alterius, adeoque facilius dimovet, si altera facultatum tollatur: sed misso per venam sanguine tollitur nisus ejus per venam in continuam arteriam; igitur nisus sanguinis per arteriam in venas multo majorem partem sui momenti exercebit, in quicquid illud est hærens arteriis capillaribus, & si quidem momentum illud fuerit maius momento cohæsionis, ex se ipso, etiamsi non adsit augmentum velocitatis, poterit loco movere, atque abripere in venas lentorem obstruentem. Sed quia interim per detractionem sanguinis universæ ejus quantitati, quæ relinquitur in vasis, major conciliatur velocitas; igitur momentum illud multo magis crescat, atque exercebitur non in unica solum arteriola, ac vena, per quam sanguis mittitur, sed per omnes utrisque iisdem de nominibus; persingulas enim venulas minor est nisus sanguinis versus arterias propter missionem, & per singula vasa crescit velocitas, unde si hærens illud supponatur in omnibus arteriolis capillaribus, momentum autem auctæ velocitatis, & diminutæ resistentiae sit maius solo momento cohæsionis, dimovet hærens illud ab arteriis omnibus, & abripetur in venas. Sed à missione sanguinis adhuc alio de nomine facilior redditur dimotio, & trusio materiæ hærentis ab arteriis in venas; quoniam enim à missione sanguinis villi membranas arteriarum intexentes in majorem contractionem veniunt, seu redigunt arterias in canales angustiores, hoc est in canales, quorum superficies interior minor sit superficie interiori corundem ante missionem sanguinis, & huic ipsi superficie interiori ante missionem sanguinis, hoc est majori hærere supponitur materies obstruens: igitur per missionem sanguinis hæc ipsa materies aptari debebit superficie minori, hoc est mutare contactus, seu separari quodammodo à superficie, cui hærebat: dum autem separatur, transverso agitur, vel urgetur per longitudinem canalis à sanguine, cuius resistentia per solam missionem diminuta est, & aucta velocitas, & occurrit materiæ vix hærenti cum superficie canalis; igitur eandem multò facilius non dimovet solum, sed abripet subito in venas. Quod si per missionem sanguinis fiat talis intima dimotio particularum ejus, quæ reddat integros circuitus reliqui sanguinis brevioris temporis, quam sint integri quique ejusdem, cum totus fluit per canales suos, nec tamen materiam obstruentem magis tenacem faciat, & prohibentem, ne arteriarum villi contrahi possint, tum rursus alio de nomine dimotio illa, & deri-

derivatio in venas succedit felicius propter frequentiorem repetitionem ictuum, quibus haerens illa materies urgetur a sanguine breviori tempore circumneunte corpus. Si autem momentum cohaesiois majus sit momento sanguinis, & durities materiae haerentis prohibeat contractionem arteriarum, tum missio sanguinis refrigerando, atque humectando facere tandem poterit, repetita quantum oportet, ut durum illud haerens humescat, & vi sanguinis cedat, & contractionem arteriarum permittat, adeoque dimovetur, atque abripietur, & hoc debet etiam contingere, cum sanguis per missionem in calorem solvit; repetitis enim missionibus brevi defervescat totus, & materies haerens cedere facultatibus dimoventibus, atque abripientibus poterit. Quoniam verò ex superioribus per missionem sanguinis ex ampliori vena, ampliori in ipsa emissario, & amplioris quantitatis, nisus per venas in arterias minuitur, & major velocitas breviori tempore sanguini conciliatur; contra autem per missionem parciorem, angustiorem venam, & angustius emissarium; igitur dimotio materiae obstruentis, & derivatio ejus in venas facilius succedit, facta missione sanguinis largiore ex ampliore vena, & per amplius in ipsa emissarium, contra difficilius, Quoniam verò etiam è venulis capillaribus potest quantitas sanguinis eadem, & eodem tempore mitti, quo mitteretur per ampliorem venam, & amplius in ipsa emissarium, quoties fit reciproca proportio superius exposita compressionum, atque emissariorum; hoc igitur de nomine perinde se habebit facilitas dimotionis, & derivationis in venas, sive sanguis mittatur per venam unicam, atque ampliorem, sive per plures, & capillares, considerando solum, quid contingere beat in toto corpore sine hujus, vel illius partis discrimine: at verò non ex omnibus partibus æque facilè dimovetur, atque abripietur materies obstruens, sed supposita illa reciproca proportione facilius abripietur ex aliqua parte, si ex venis capillaribus ejusdem partis ducatur sanguis, quam si ex trunco earundem; et si enim supposita illa reciproca proportione eodem tempore eadem quantitas sanguinis educitur; quia tamen facto emissario ad venam ampliorem major est copia sanguinis, quæ continetur inter ipsum, & partem obstructam, quam cum emissaria fiunt in capillaribus venis, quæ nempe sunt magis proxime obstructis partibus, minorem resistentiam patietur pars obstructa, & sanguis arteriarum à pauco sanguine contento inter emissaria capillarium, & partes obstructas, quam à multo, qui continetur inter emissarium venæ amplioris, & easdem partes obstructas, unde materies haerens faciliter dimovet, atque abripi poterit ex aliqua determinata parte, factis emissariis in capillaribus venis ejus, quam facto unico emissario in trunco earum cum il-

la reciproca proportione multitudinum, & compressionum, quam sape repetivimus; quare patet tertia pars.

Quod autem abripietur quaquaversum, dissiliet, ac trudetur statim, ac traducitur intra ampliorem cavitatem venarum, & cum sit densius reliquo sanguine, versus latera trudetur, & iisdem lateribus, ac superficie venarum allabetur, quo motu poterit, ut exposuimus in febris. Si igitur fluat ejus materiae aliquid, dum sanguis mittitur, & pertingat ad usque emissarium effluet ejus materiae pars cum ipso sanguine: id verò facilius contingere debet, cum sanguis mittitur per capillares, cum illæ proximæ sint partibus, à quibus materies abripitur, adeoque in ipsa missione sanguinis poterit extrusa illa materies è partibus proximis ad usque emissaria perduci, & multò copiosius, cum adhuc distributa non sit per majores cavitates ampliorum canalium. Reliquum verò materiae dimotæ, dum per venas sensim labitur, partim allabendo earum superficie, partim ad contactum sanguinis cum eodem sanguine majorem subibit mixtionem, & huc illud distractum in partes varias, tenues, & sejunctas, admittet partes sanguinis magis fluxiles, & liquidius evadere poterit.

Si verò aliquid hæreat summis vasis, & sanguis per missionem solvatur, manifestum est, posse solvi diversimodè, ita ut id, quod per ejusmodi solutionem producitur in sanguine, induat naturam alicujus determinati fermenti, vel menstrui, quod hoc, aut illud corpus hujus, vel illius determinatae naturæ solvere, vel magis in duritiem campingere possit. Pro diversitate igitur mutationis in sanguine, quæ per missionem contingat, & naturæ, cuius supponatur hærens illud, poterit illud ipsum hærens per missionem sanguinis liquari, aut sicciius, ac densius reddi, adeoque vel dimoveri, & abripi, vel hærere tenacius, figique validius. Sive autem reddatur tenacius, & validius hærens per calorem à missione sanguinis solutum, sive per quamlibet aliam facultatem menstruorum duritiem conciliantium, missio sanguinis largior, & repetita poterit ad fluxilitatem disponere, & vim fermenti, caloris, ac siccitatis temperare; auferet enim cum sanguine, qui educitur, partem fermenti, vel minuet caloris quantitatem, quo absumentur humidum, & sit intensior calor, & siccitas, & validior cohaesio, adeoque minus intensa erunt illa omnia, quæ ab ejusmodi calore, siccitate, aut fermento proveniunt.

Postremò sanguis per missionem ita intimè dimoveatur, aut fiat densior, frigidior, crassior, minus fluxilis; facilitas igitur ad motum, allapsusque ad superficiem canalium erit minor, seu ad hoc ut moveatur æquè volociter, ac ante intimam illam dimotionem, exiget impetum, maiorem à corde: sed hic primis vicibus supponitur idem, mox verò fiet etiam minor

minor propter mutationem sanguinis tūm in frigidius minus stimulans, cum in densius minus facile permittens separationem spirituum, eosque crassiores suppeditans; igitur vis sanguinis per arterias erit multò minor, quam cum totus fluit per canales suos; quare abripi non poterit hærens illud. Quia verò propter detractam quantitatem sanguinis arteriæ aut contrahuntur, aut in contractionem nituntur, & ex hac contractione, aut nisu, oritur aut mutatione contactuum, aut dispositio ad eam mutationem, & quasi separationem materiae hærentis à superficie arteriarum, & interim per longitudinem fluit, quo lento fluxu potest, sanguis ille crassus, ac frigidus; fiet igitur, ut hic idem sanguis nitatur quidem in semihærentem illam materiem, sed propter tarditatem sui motus, & debilitatem virtutis abripere ipsam adhuc resistentem non poterit, unde & ipse subsistet ( expressa solum aliqua sui tenuiores, & magis fluxili parte, quæ traducetur in venas) & cum id continuè repetatur, nova semper, ac nova materies subsistet, quæ priori, & va-  
fis agglutinabitur. Quare patet tota propositio.

## Propositio Sexta.

**V**ena in omni morbo secunda, in quo aut minuenda quantitas, aut augenda velocitas sanguinis, aut refrigerandum, aut humectandum, aut aliquid hærens vasis dimovendum, atque abripiendum, aut danda occasio particulis, ex quibus sanguis componitur, ut intimè dimovantur, & ipsum sanguinem mutent. Quod si morbus exigat quidem missiōnem sanguinis, sed non mutationem ejus; per missionem tamen mutetur, tūm prævidendum, illane mutatio sanguinis officiat morbo, an secus; & si quidem non noceat, finendum, & mittendum sanguinis quantum oportet: si verò noceat, occurendum mutationi illi epotis statim à missione sanguinis iis liquidis, quæ sistere, atque impedit possint ejusmodi mutationem, ut refrigerantibus, si in calorem solvatur; mollientibus, si durescat, atque ita de cæteris. Si morbus distributus sit per omnia vasa sanguinis, perinde erit, è cuiuscunque partis vena ampliore, angustiore, aut capillaribus, dummodo servetur superius exposita proportio emissariorum & compressionum, educatur; si autem morbus venæ sectionem exigens alicui solum parti corporis hæreat, tutius erit sanguinem mittere ex venis venientibus quidem ab eodem trunco cum iis, quæ ad affectam partem tendunt, seu abundantibus in latus oppositum, quam ex venis partis affectæ; tutissimum verò prius mittere sanguinem à quibusunque venis ab altero trunco venientibus, & id præcipue, si pars affecta sit ad extrema corporis, ubi minima pressio, ac velocitas sanguinis; postea è venis ejus trunci, à quo rami dederuntur.